

Uplate roditelja preko interneta

Informacije za roditelje i staratelje

Sada je moguće da roditelji preko interneta školi plaćaju iznose koje duguju za đake, putem sigurne stranice za uplate koju održava Westpac. Uplata se može obaviti koristeći Visa ili MasterCard kreditnu ili debitnu karticu, te se može obaviti preko kompjutera, tableta ili mobilnih telefona. Na stranicu za uplate se može doći preko naslovne strane veb sajta škole, tako da izaberete \$ Make a payment (\$ Obavite uplatu).

Westpac je nedavno poboljšao taj sistem, da bi bilo više vremena za unošenje podataka, te da bi roditelji mogli obaviti uplate koristeći opciju za automatsko popunjavanje, pa time ne moraju ponovno unositi svoje podatke. Uplate se sada mogu obavljati s kreditnom ili s debitnom karticom s bankovnog računa.

Ono što možete plaćati uključuje dobrovoljne doprinose školi, doprinose za predmete, ekskurzije, prodaje đacima, te kreativne i praktične umjetničke aktivnosti (to uključuje muzičku, dramsku i plesnu grupu). Postoji i kategorija koja se zove 'Drugo', za ono što nije navedeno u prethodnim naslovima. 'Drugo' se može koristiti za obavljanje kompletne uplate za školski Izveštaj o računu.

Kad dođete na \$ Make a payment stranicu, morate unijeti:

- ime đaka
- razred
- datum rođenja

Ovi podaci se unose svaki put kad obavljate uplatu, jer se informacije o đaku ne zadržavaju u sistemu uplaćivanja.

Ovo je siguran sistem za uplate kojeg održava Westpac, da se osigura davanje vaših podataka o kreditnoj ili debitnoj kartici na siguran način. Ti podaci se ne daju školi.

Imate mogućnost da provjerite i promijenite sve podatke o uplati, prije nego što se uplata obradi. Potvrde o uplati se mogu dobiti emailom i/ili odštampati.

Podaci o uplatama se svakodnevno prosljeđuju školi, koja ih unese u račun vašeg djeteta. Pošto ćete potvrdu o plaćanju dobiti sa stranice za uplate, škola neće izdavati dodatnu priznanicu.

Za sve informacije o uplatama preko interneta molimo kontaktirajte administrativni ured škole.

Telefonska služba tumača

Ako trebate pomoć oko engleskog da biste nazvali školu, molimo nazovite Telefonsku službu tumača na 131 450. Recite im koji jezik trebate i zamolite operatera da nazove školu. Operater će vam na vezi dati tumača da vam pomogne oko sporazumijevanja. Za ovu uslugu vi ništa ne plaćate.